

Navoiy viloyati Konimex tumani
Davlat xizmatlari markazi tomonidan

2022-yil 4 -martda
1104095 -son reyestr
raqami bilan

«RO'YXATGA OLINGAN»



«QIZILQUM FOSFORIT KOMPLEKSI»
mas'uliyati cheklangan jamiyati
yagona ishtirokchisining
2022-yil 2 -martdagi
1-son qarori bilan



«TASDIQLANGAN»

J. Mirzamahmudov
2022-yil __-mart

«QIZILQUM FOSFORIT KOMPLEKSI» MAS'ULIYATI CHEKLANGAN JAMIYATINING USTAVI

I. UMUMIY QOIDALAR

1.1. «QIZILQUM FOSFORIT KOMPLEKSI» mas'uliyati cheklangan jamiyatining (bundan buyon matnda «Jamiyat» deb yuritiladi) O'zbekiston Respublikasining Fuqarolik kodeksi, O'zbekiston Respublikasining «Mas'uliyati cheklangan hamda qo'shimcha mas'uliyatli jamiyatlar to'g'risida»gi Qonuni va boshqa qonun hujjatlari va O'zbekiston Respublikasi Vazirlar Mahkamasining «Kimyo sanoati sohasida fosforli o'g'itlar ishlab chiqarishni yanada kengaytirish chora-tadbirlari to'g'risida» 2022-yil 21-fevraldagi 77-son qarori, shuningdek Jamiyat yagona ishtirokchisining 2022-yil 2-martdagi 1-son qaroriga muvofiq tashkil etilgan.

1.2. Jamiyatning yagona ishtirokchisi:

— «O'ZKIMYOSANOAT» aksiyadorlik jamiyati — Toshkent shahri, Shayxontohur tumani, Navoiy ko'chasi, 38-uy manzilida joylashgan, STIR: 203 621 367.

1.3. Jamiyatning to'liq firma nomi:

Davlat tilida:

Lotin yozuvida:

«QIZILQUM FOSFORIT KOMPLEKSI» mas'uliyati cheklangan jamiyati,

Kiril yozuvida:

«ҚИЗИЛҚУМ ФОСФОРИТ КОМПЛЕКСИ» масъулияти чекланган жамияти,

Rus tilida: Общество с ограниченной ответственностью «КЫЗЫЛКУМСКИЙ ФОСФОРИТНЫЙ КОМПЛЕКС»;

Ingliz tilida: «KYZYLKUM PHOSPHATE COMPLEX» Limited Liability Company.

Jamiyatning qisqartirilgan firma nomi:

Davlat tilida:

Lotin yozuvida:

«QFK» MChJ;

Kiril yozuvida:

«ҚФК» МЧЖ.

Rus tilida: ООО «КФК».

Ingliz tilida: «KPHC» LLC.

1.4. Jamiyatning pochta manzili: O'zbekiston Respublikasi, Navoiy viloyati, Kara-kata OFY.

1.5. Jamiyat cheklanmagan muddatga tashkil etiladi.

II. JAMIYATNING YURIDIK MAQOMI

2.1. Jamiyat O'zbekiston Respublikasining qonun hujjatlariga asosan yuridik shaxs hisoblanadi. Jamiyat belgilangan tartibda davlat ro'yxatidan o'tkazilganidan keyin yuridik shaxs maqomiga ega bo'ladi.

2.2. Jamiyat o'z faoliyatini mazkur ustav va O'zbekiston Respublikasining qonunlariga muvofiq va ta'sis hujjatlariga asosan amalga oshiradi.

2.3. Jamiyat o'z majburiyatlari bo'yicha O'zbekiston Respublikasining qonun hujjatlariga muvofiq javob beradi. Jamiyatning ishtirokchilari uning majburiyatlari bo'yicha javobgar bo'lmaydilar va jamiyat faoliyati bilan bog'liq zararlar uchun o'zlari qo'shgan hissalar qiymati doirasida javobgar bo'ladilar. Jamiyatning o'z hissasini to'la qo'shmagan ishtirokchilari jamiyat majburiyatlari bo'yicha har bir ishtirokchi hissasining to'lanmagan qismining qiymati doirasida solidari javobgar bo'ladilar.

2.4. Jamiyat o'zining firma nomi yozilgan shtamp va blankalarga, shuningdek belgilangan tartibda ro'yxatga olingan o'z emblemasiga, tovar belgisiga ega bo'lishga haqli.

2.5. Jamiyat o'z egaligida mustaqil balansda hisobga olinadigan alohida mol-mulkka ega, o'z nomidan huquqlar va majburiyatlar olishi, suda da'vogar va javobgar bo'lishi mumkin.

III. JAMIYATNING FILIALLARI VA VAKOLATXONALARI

3.1. Jamiyat O'zbekiston Respublikasining qonun hujjatlari talablariga muvofiq vakolatxonalar va filiallar va boshqa alohida bo'linmalar tuzishga haqli.

IV. JAMIYATNI TASHKIL ETISHDAN MAQSAD VA FAOLIYAT TURLARI

4.1. Jamiyatni tashkil etishdan asosiy maqsad ishtirokchilar manfaatlari uchun foyda olish.

Jamiyat faoliyatining predmeti bo'lib kimyo sanoati va o'g'itlar ishlab chiqarish uchun mineral xom ashyolar qazib olish hisoblanadi. Shu jumladan:

- Fosforit konsentratini olish uchun fosforit rudasini qazib olish, qayta ishlash va boyitish;
- Litsenziya asosida geologiya-qidiruv ishlarini olib borish;
- Mavjud bo'lgan konlarda (uchastkalarda) foydali qazilmalarni qazib olish;
- Fosforit xom ashyosi tarkibidagi boshqa metallarni ajratishning zamonaviy, ekologik xavfsiz va energiya tejankor "yashil" texnologiyalarni qo'llash;
- Avtotransport vositalarida yuklarni tashish ishlarini amalga oshirish;
- Foydali xom ashyo resurslarini qayta ishlash, ulardan tayyor mahsulot ishlab chiqarish;
- Jamiyat tomonidan ishlab chiqarilgan tovarlarni realizatsiya qilish;
- Yangi turdagi maxsulotlarni ishlab chiqarish uchun loyihalashtirish ishlarini amalga oshirish;
- O'z xodimlarini O'zbekistonda, yaqin va uzoq xorij mamlakatlarida, shuningdek Mustaqil Davlatlar Hamdo'stligi mamlakatlarida o'qitish, qayta tayyorlash va malakasini oshirish ishlarini tashkil etish;

— O'ziga berilgan vakolatlar doirasida xorijiy mamlakatlar bilan aloqa qilish;

— O'zbekiston Respublikasida va xorijda qonunchilikda belgilangan tartibda firma do'konlari, supermarketlar, tijorat markazlarini ochish;

— O'zbekiston Respublikasi qonunchiligi doirasida tadbirkorlik, tashqi iqtisodiy, vositachilik, savdo-vositachilik, savdo-sotiq, tijorat-komission, konsignatsion, injiniring, marketing va reklama-axborot faolyati bo'yicha xizmatlar, trast, brokerlik, dilerlik, distribyutorlik va boshqa tijorat xizmatlarini ko'rsatish, shu jumladan O'zbekiston Respublikasi, Mustaqil Davlatlar Hamdo'stligi va xorij mamlakatlari yuridik va jismoniy shaxslarining ishonchnomasi asosida ishlab chiqarish - xo'jalik, tijorat va moliyaviy faoliyat sohaslarida amalga oshiriladigan operatsiyalar;

— O'zbekiston Respublikasida va xorijda o'tkaziladigan yarmarkalar, ko'rgazmalar, auksionlar savdolarini tashkillashtirish va ularda qatnashish;

— Tijorat faoliyati, moliya va boshqaruv masalalari bo'yicha marketing tadqiqotlari va konsultatsiyalar olib borish;

— Axborot va reklama faoliyati;

— O'zbekiston Respublikasining amaldagi qonunchiligiga muvofiq tashqi iqtisodiy faoliyat bilan shug'ullanish, uskunalar, tovarlar va xizmatlar importi hamda eksportini belgilangan tartibda mustaqil ravishda amalga oshirish;

— Qimmatli qog'ozlar, ulushlar, paylar bilan har qanday turdagi operatsiyalarni, shu jumladan oldi-sotdi operatsiyalarini amalga oshirish;

— Zarur hollarda boshqa tashkilotlar, shu jumladan chet ellardan xodimlarni jalb qilish.

Qonun hujjatlari bilan taqiqlanmagan boshqa har qanday faoliyat turlari.

4.2. Amalga oshirilishi uchun maxsus ruxsatnoma (litsenziya) talab qilinadigan faoliyat tegishli ruxsatnoma (litsenziya) olingandan keyin amalga oshiriladi.

V. ISHTIROKCHILARNING HUQUQ VA MAJBURIYATLARI

5.1. Jamiyat ishtirokchilari quyidagilarga haqlidirlar:

qonun hujjatlarida va jamiyatning ta'sis hujjatlarida belgilangan tartibda jamiyatning ishlarini boshqarishda ishtirok etish;

qonun hujjatlarida va jamiyat ta'sis hujjatlarida belgilangan tartibda jamiyatning faoliyati to'g'risida axborot olish hamda uning buxgalteriya daftarlari va boshqa hujjatlari bilan tanishish;

foydani taqsimlashda va uning tegishli qismini olishda ishtirok etish;

jamiyatning ustav fondidagi o'z ulushini yoxud uning bir qismini qonun hujjatlarida va jamiyatning ustavida nazarda tutilgan tartibda mazkur jamiyatning bir yoki bir necha ishtirokchisiga yoxud uchinchi shaxslarga sotish yoki o'zga tarzda ularning foydasiga voz kechish;

jamiyat boshqa ishtirokchilarining roziligidan qat'i nazar, qonun hujjatlarida va jamiyatning ta'sis hujjatlarida nazarda tutilgan tartibda istalgan vaqtda jamiyat ishtirokchilari tarkibidan chiqish;

jamiyat tugatilgan taqdirda, kreditorlar bilan hisob-kitob qilinganidan keyin qolgan mol-mulkning bir qismini yoki uning qiymatini olish;

jami ulushlari jamiyat ustav fondining kamida o'n foizini tashkil etadigan jamiyat ishtirokchilari o'z majburiyatlarini qo'pol buzayotgan yoxud o'z harakatlari yoki harakatsizligi bilan jamiyatning faoliyat ko'rsatishiga imkon bermayotgan yoki uni jiddiy tarzda qiyinlashtirayotgan ishtirokchini jamiyatdan sud tartibida chiqarilishini talab qilishga haqlidirlar;

jamiyat ishtirokchilari jamiyatning ta'sis hujjatlarida nazarda tutilgan boshqa huquqlarga ham ega bo'lishlari mumkin.

5.2. Jamiyat ishtirokchilarining majburiyatlari:

qonun hujjatlarida va jamiyatning ta'sis hujjatlarida nazarda tutilgan qoidalarga amal qilishlari;

qonun hujjatlarida va jamiyatning ta'sis hujjatlarida nazarda tutilgan tartibda, miqdorda, usullarda va muddatlarda hissa qo'shishlari;

jamiyat faoliyati to'g'risidagi sir tutilgan axborotni oshkor qilmasliklari shart.

Jamiyat ishtirokchilariga jamiyatning ta'sis hujjatlarida nazarda tutilgan boshqa majburiyatlar ham yuklanishi mumkin.

VI. JAMIYATNING MOL-MULKI VA MABLAG'LARI

6.1. Jamiyat mustaqil ravishda o'ziga tegishli mol-mulkdan foydalanadi.

6.2. Jamiyatning mol-mulki:

— ishtirokchilarning ulushlaridan;

— jamiyat faoliyati natijasida olingan foydadan;

O'zbekiston Respublikasining amaldagi qonun hujjatlari bilan taqiqlanmagan boshqa manbalardan shakllantiriladi.

VII. JAMIYATNING USTAV FONDI

7.1. Jamiyatning tashkil etilishi va faoliyatini amalga oshirishi uchun ishtirokchilar 200 000 000 (ikki yuz million) so'm miqdorida ustav fondi shakllantirilgan.

7.2. Ishtirokchilarning ustav fondidagi ulushlari quyidagicha:

— «O'ZKIMYOSANOAT» AJ — 200 000 000 (ikki yuz million) so'm ya'ni 100,0 foiz.

7.3. Jamiyat davlat ro'yxatidan o'tkazilganidan keyin bir yil mobaynida Ishtirokchilarning har biri ustav fondidagi ulushini to'liq kiritadi.

7.4. Pul, qimmatli qog'ozlar, o'zga ashyolar yoki mulkiy huquqlar yoxud pul bahosiga ega bo'lgan boshqa shaxsga o'tkaziladigan o'zga huquqlar jamiyatning ustav fondiga qo'shiladigan hissalar bo'lishi mumkin.

7.5. Jamiyat ishtirokchilarining umumiy yig'ilishi qaroriga asosan ustav fondini ko'paytirishi yoki kamaytirishi mumkin.

7.6. Jamiyatning ustav fondini ko'paytirishga u to'liq to'langanidan keyingina yo'l qo'yiladi. Jamiyat ustav fondining ko'paytirilishi jamiyatning mol-mulki hisobiga va (yoki) jamiyat ishtirokchilarining qo'shimcha hissalarini hisobiga, agar bu jamiyatning ustavi bilan taqiqlangan bo'lmasa, jamiyatga qabul qilinadigan uchinchi shaxslar hissalarini hisobiga amalga oshirilishi mumkin. Jamiyat ustav fondini jamiyatning mol-mulki hisobiga ko'paytirish to'g'risidagi qaror bunday qaror qabul qilingan yildan oldingi yil uchun jamiyatning buxgalteriya hisoboti ma'lumotlari asosidagina qabul qilinishi mumkin.

7.7. Jamiyatning ustav fondini kamaytirish ishtirokchilarga tegishli bo'lgan ulushlarning nominal qiymatini kamaytirish yo'li bilan amalga oshirilishi mumkin. Jamiyat ustav fondini kamaytirish va uning yangi miqdori to'g'risida qaror qabul qilingan vaqtdan boshlab o'ttiz kun mobaynida jamiyatning unga ma'lum bo'lgan barcha kreditorlarini xabardor qilishi, shuningdek qabul qilingan qaror to'g'risida ommaviy axborot vositalarida ma'lumot e'lon qilishi shart.

7.8. Ustav fondini o'zgartirish to'g'risidagi qaror uchinchi shaxslar uchun ustav va ta'sis shartnomasiga tegishli o'zgartirishlar va qo'shimchalar davlat ro'yxatidan o'tkazilganidan keyingina kuchga kiradi.

VIII. ISHTIROKCHILARNING JAMIYAT ISHTIROKCHILARI SAFIDAN CHIQISHI VA UNING OQIBATLARI

8.1. Jamiyatning har qanday ishtirokchisi jamiyat ishtirokchilari safidan chiqish huquqiga ega. Bunday holatda ishtirokchi ustav fondidagi o'z ulushini qolgan ishtirokchilarga yoxud ularning roziligi bo'yicha uchinchi shaxslarga sotish yoki ularning foydasiga voz kechish huquqiga ega.

8.2. Ishtirokchi ishtirokchilar safidan chiqishida unga o'zi tomonidan ustav fondiga kiritilgan ulushning haqiqiy qiymati natura yoki haqiqiy qiymatiga teng bo'lgan pul ko'rinishida qaytariladi.

8.3. Jamiyat ishtirokchisi o'zgartirilganidan keyin jamiyatning ta'sis hujjatlariga zaruriy o'zgartirishlar va qo'shimchalar kiritishi lozim.

8.4. Jamiyatning ta'sis hujjatlariga kiritilgan o'zgartirishlar uchinchi shaxslar uchun ular davlat ro'yxatidan o'tkazilganidan keyin kuchga kiradi.

IX. JAMIYAT ISHTIROKCHISINING JAMIYAT USTAV FONDIDAGI ULUSHINING (ULUSHI BIR QISMINING) JAMIYATNING BOSHQA ISHTIROKCHILARIGA VA UCHINCHI SHAXSLARGA O'TISHI

9.1. Jamiyat ishtirokchilaridan har biri jamiyatning ustav fondidagi o'z ulushini yoki ulushining qismini jamiyatning boshqa ishtirokchilariga va uchinchi shaxslarga sotishga yoki boshqacha shaklda ularning foydasiga voz kechishga haqli.

9.2. Jamiyat ishtirokchisining ulushi to'liq to'langan davrgacha bo'lgan muddatda to'langan qismi bo'yichagina begonalashtirilishi mumkin.

9.3. Jamiyat ustav fondidagi ulushdan (ulushning bir qismidan) boshqa shaxsning foydasiga voz kechish, oddiy yozma shaklda amalga oshirilishi kerak.

X. JAMIYATNING HUJJATLARINI SAQLASH

10.1. Jamiyat quyidagi hujjatlarni saqlashi shart:

— jamiyatning ta'sis hujjatlari, shuningdek jamiyatning ta'sis hujjatlariga kiritilgan hamda belgilangan tartibda ro'yxatdan o'tkazilgan o'zgartishlar va qo'shimchalar;

— jamiyat muassislari yig'ilishining jamiyatni tashkil etish va jamiyatning ustav fondiga qo'shiladigan pulsiz hissalarining pul bahosini tasdiqlash to'g'risidagi qarorni, shuningdek jamiyatni tashkil etish bilan bog'liq boshqa qarorlarni o'z ichiga olgan bayonnomasi;

— jamiyat davlat ro'yxatidan o'tkazilganligini tasdiqlovchi hujjat;

— jamiyatning o'z balansida turgan mol-mulkka bo'lgan huquqini tasdiqlovchi hujjatlar;

— jamiyatning filiallari va vakolatxonalari to'g'risidagi nizomlar;

— jamiyat ishtirokchilari umumiy yig'ilishlarining, jamiyat kuzatuv kengashi, jamiyatning kollegial ijro etuvchi organi va jamiyatning taftish komissiyasi majlislarining bayonnomalari;

— jamiyat taftish komissiyasining (taftishchisining) va auditorlik tashkilotining xulosalari;

— qonun hujjatlarida nazarda tutilgan boshqa hujjatlar.

10.2. Yuqorida aytib o'tilgan hujjatlar ijro etuvchi organ joylashgan joyda saqlanadi.

10.3. Agarda amaldagi qonun hujjatlari bilan boshqacha qoidalar belgilangan bo'lmasa, jamiyat mazkur ustavning 10.1-bandida ko'rsatib o'tilgan hujjatlarni doimiy saqlaydi.

10.4. Jamiyat har qanday ishtirokchining talabi bilan unga axborot, shuningdek ta'sis hujjatlarini unga kiritilgan o'zgartirish va qo'shimchalar bilan taqdim qilishi yoki nusxa berishi shart.

XI. HISOB VA HISOBOT

11.1. Jamiyat o'z faoliyatini mustaqil rejalashtiradi va o'z mahsuloti va xizmatlariga narxlarni bozor konyukturasidan kelib chiqib belgilaydi.

11.2. Jamiyat mustaqil ravishda buxgalteriya hisobini, statistika va moliyaviy hisobotni qonun hujjatlarida belgilangan tartibda amalga oshiradi.

11.3. Jamiyat mustaqil ravishda jamiyatning tashkiliy tuzilmasini, shtat jadvalini va mehnatga haq to'lashni O'zbekiston Respublikasi qonun hujjatlariga muvofiq hal qiladi.

11.4. Jamiyat faoliyatiga oid hisobotlarni qonunda belgilangan tartibda davlat organlariga taqdim qiladi.

XII. DAROMADNI TAQSIMLASH VA ZARARLARNI QOPLASH

12.1. Jamiyat ustav fondining 15 foiz miqdorida zaxira fondi shakllantiradi. Jamiyatning zaxira fondi uning zararlarini qoplash va qonunda nazarda tutilgan hollarda Jamiyatning ustav fondidagi ulushni (ulushning qismini) sotib olish uchun mo'ljallangan.

XIII. JAMIYATNING BOSHQARUV ORGANLARI

13.1. Jamiyatning boshqaruv organlari bo'lib quyidagilar belgilanadi:

— ishtirokchilarning umumiy yig'ilishi - oliy boshqaruv organi;

— direktor - jamiyatning yakkaboshchilik asosidagi ijro etuvchi organi.

13.2. Jamiyatda kuzatuv kengashi va taftish komissiyasi belgilangan tartibda tashkil etilishi mumkin.

XIV. ISHTIROKCHILARNING UMUMIY YIG'ILISHI

14.1. Jamiyatning oliy boshqaruv organi bo'lib jamiyat ishtirokchilarining umumiy yig'ilishi hisoblanadi.

14.2. Jamiyatning har bir ishtirokchisi jamiyat ishtirokchilarining umumiy yig'ilishida jamiyatning ustav fondidagi o'z ulushiga mutanosib ovozlar soniga ega bo'ladi.

14.3. Jamiyat ishtirokchilari umumiy yig'ilishining mutlaq vakolatlari jumlasiga quyidagilar kiradi:

a) jamiyat faoliyatining asosiy yo'nalishlarini belgilash, shuningdek tijorat tashkilotlarining boshqa birlashmalarida ishtirok etish to'g'risida qaror qabul qilish;

b) jamiyat ustav fondining miqdorini o'zgartirish;

v) ta'sis hujjatlariga o'zgartishlar va qo'shimchalar kiritish hamda yangi tahrirda tasdiqlash;

g) jamiyatning ijro etuvchi organlarini tuzish va ularning vakolatlarini muddatidan ilgari tugatish;

d) jamiyatning taftish komissiyasini (taftishchisini) saylash va uning vakolatlarini muddatidan ilgari tugatish;

e) agar jamiyatning ustavida kuzatuv kengashini tuzish nazarda tutilgan bo'lsa, uni saylash va uning vakolatlarini muddatidan ilgari tugatish;

j) yillik hisobotlarni va yillik buxgalteriya balanslarini tasdiqlash;

z) jamiyatning tashkiliy tuzilmasini tasdiqlash;

i) jamiyatning sof foydasini jamiyat ishtirokchilari o'rtasida taqsimlash to'g'risida qaror qabul qilish;

k) jamiyat organlarining faoliyatini tartibga soluvchi hujjatlarni tasdiqlash (qabul qilish);

l) auditorlik tekshiruvini o'tkazish to'g'risida qaror qabul qilish, auditorlik tashkilotlari hamda ularning xizmatlariga to'lanadigan haqning eng ko'p miqdorini aniqlash;

m) boshqa yuridik shaxslarni, vakolatxonalar va filiallarni tuzish to'g'risida qaror qabul qilish;

n) jamiyatni qayta tashkil etish yoki tugatish to'g'risida qaror qabul qilish;

o) tugatuvchini tayinlash va tugatish balanslarini tasdiqlash.

Jamiyat ishtirokchilari umumiy yig'ilishining a), b), v), z) va m) kichik bandlarida ko'rsatilgan masalalar yuzasidan qarorlari jamiyatning barcha ishtirokchilari tomonidan bir ovozdan qabul qilinadi.

Jamiyat ishtirokchilari umumiy yig'ilishining qolgan qarorlari, jamiyat ishtirokchilari umumiy ovozlar sonining ko'pchilik ovozlari bilan qabul qilinadi.

XV. IJRO ETUVCHI ORGAN

15.1. Jamiyatning ijro etuvchi organi bo'lib jamiyatning joriy faoliyatiga rahbarlikni amalga oshiruvchi direktor hisoblanadi.

15.2. Jamiyatning direktori ishtirokchilarning umumiy yig'ilishi tomonidan saylanadi.

15.3. Jamiyat va jamiyatning direktori o'rtasidagi shartnoma, jamiyat nomidan, direktor tayinlangan jamiyat ishtirokchilarining umumiy yig'ilishida raislik qiluvchi yoki jamiyat ishtirokchilarining umumiy yig'ilishi tomonidan vakolat berilgan jamiyat ishtirokchisi tomonidan imzolanadi.

15.4. Direktor bilan tuzilgan mehnat shartnomasini direktorni saylash to'g'risidagi masala ko'rib chiqilgan jamiyat ishtirokchilarining umumiy yig'ilishi raisi imzolaydi.

15.5. Direktor lavozimidan ishtirokchilarning umumiy yig'ilishi qarori bilan lavozimidan ozod qilinishi mumkin.

15.6. Jamiyatning direktori:

jamiyat nomidan ishonchnomasiz ish yuritadi, shu jumladan uning manfaatlarini ifodalaydi va bitimlar tuzadi;

jamiyat nomidan vakillik qilish huquqi uchun ishonchnomalar beradi;
jamiyat xodimlari bilan mehnat shartnomalari tuzadi va ularni bekor qiladi, xodimlarga nisbatan rag'batlantirish choralarini va intizomiy jazolarni qo'llaydi;

jamiyatning barcha xodimlari uchun majburiy bo'lgan buyruqlar va farmoyishlar chiqaradi;
qonun hujjatlari va jamiyatning ustavi bilan jamiyat ishtirokchilarining umumiy yig'ilishi va jamiyatning kuzatuv kengashi vakolatlari jumlasiga kiritilmagan boshqa vakolatlarni amalga oshiradi.

15.7. Direktor ishtirokchilar umumiy yig'ilishiga hisobot beradi va uning oldida jamiyat faoliyatining amalga oshirilishi hamda unga yuklatilgan vazifa va topshiriqlarning bajarilishi uchun javobgardir.

15.8. Direktor jamiyat mol-mulkini tasarruf etishi va ishtirokchilarning umumiy yig'ilishi qarori bo'yicha yirik bitimlar tuzishi mumkin.

XVI. JAMIYAT FAOLIYATI YUZASIDAN NAZORAT

16.1. Jamiyatda alohida nazorat qiluvchi organning tuzilishi ko'zda tutilmagan.

16.2. Jamiyatning moliyaviy-xo'jalik faoliyati ustidan nazorat ishtirokchilar yoxud mustaqil auditorlik tashkiloti tomonidan amalga oshiriladi.

XVII. XODIMLAR

17.1. Jamiyat ma'muriyati xodimlar bilan jamoa shartnomasini imzolaydi. Ushbu shartnomaning mazmuni, shu jumladan «Xodimlarning ijtimoiy ta'minoti va ularni ijtimoiy himoya qilish to'g'risidagi nizom» O'zbekiston Respublikasining qonun hujjatlari, mazkur ustav, shuningdek jamiyat faoliyatining xususiyatlari bilan belgilanadi.

XVIII. JAMIYATNING TIJORAT SIRI

18.1. Jamiyatning tijorat siri — uchinchi shaxslarga noma'lumligi sababli tijorat qimmatiga ega bo'lgan, qonuniy asosda erkin foydalanilmaydigan axborot bo'lib, ushbu axborot jamiyat tomonidan uning maxfiyligini muhofaza qilish bo'yicha chora-tadbirlarni ko'radi.

18.2. Tijorat sirining muhofaza qilinishini ta'minlash maqsadida xodim:

ish beruvchi tomonidan o'rnatilgan tijorat siri rejimiga rioya etishi;

ish beruvchining rozilgisiz tijorat sirini oshkor etmasligi va undan shaxsiy maqsadlarda foydalanmasligi;

mehnat shartnomasi (kontrakt) bekor qilinganda o'z foydalanishida bo'lgan, tijorat siri aks etgan moddiy jismlarni ish beruvchiga topshirishi yoki uni mazkur jismlardan ish beruvchining nazorati ostida yo'q qilib yoxud o'chirib tashlashi shart.

XIX. JAMIYATNI QAYTA TASHKIL ETISH VA TUGATISH

19.1. Jamiyatni qayta tashkil etish yoki tugatish O'zbekiston Respublikasi Fuqarolik kodeksining 49 — 55-moddalarida va «Mas'uliyati cheklangan hamda qo'shimcha mas'uliyatli jamiyatlar to'g'risida»gi O'zbekiston Respublikasi Qonunining 49 — 55-moddalarida nazarda tutilgan tartibda amalga oshiriladi.

19.2. Jamiyatni qayta tashkil etish ishtirokchilarning umumiy yig'ilishi qarori bo'yicha qo'shib yuborish, birlashtirish, bo'lish, ajratib chiqarish va qayta tuzish shaklida amalga oshirilishi mumkin.

19.3. Jamiyat belgilangan tartibda ixtiyoriy ravishda ishtirokchilarning Umumiy yig'ilishi qarori bo'yicha tugatilishi mumkin. Jamiyat qonun hujjatlarida nazarda tutilgan asoslarga ko'ra sudning qaroriga binoan ham tugatilishi mumkin.

19.4. Jamiyatning tugatilishi haqidagi yozuv yuridik shaxslarning yagona davlat reyestriga kiritib qo'yilganidan so'ng jamiyatni tugatish tamomlangan, jamiyatning faoliyati esa tugagan hisoblanadi.

XX. NIZOLARNI HAL QILISH

20.1. Ta'sis shartnomasi va ustav bo'yicha kelib chiqadigan barcha nizo va kelishmovchiliklar ishtirokchilarning o'zaro kelishuvi yo'li bilan amaldagi qonun hujjatlari, ta'sis shartnomasi va ustavga asosan hal qilinadi.

20.2. Nizo va kelishmovchiliklarni muzokaralar yo'li bilan hal qilish imkoniyati bo'lmagan taqdirda ular sud orqali, O'zbekiston Respublikasining qonun hujjatlariga muvofiq hal qilinadi.

XXI. YAKUNIY QOIDALAR

21.1. Mazkur Ustav jamiyat O'zbekiston Respublikasining qonun hujjatlarida belgilangan tartibda davlat ro'yxatiga olingan vaqtdan boshlab kuchga kiradi.

21.2. O'zbekiston Respublikasining amaldagi qonun hujjatlari bilan tartibga solinmagan masalalar, qonunda boshqa hollar nazarda tutilmagan bo'lsa, ushbu Ustavga muvofiq tartibga solinadi.

«QIZILQUM FOSFORIT KOMPLEKSI» MChJ
direktori v.b.

F. Samadov



**«QIZILQUM FOSFORIT KOMPLEKSI»
МАСЪУЛИЯТИ ЧЕКЛАНГАН ЖАМИЯТИ
ЯГОНА ИШТИРОКЧИСИНИНГ
1-СОН ҚАРОРИ**

2022 йил 2 март

Тошкент шаҳри, Шайхонтоҳур
тумани, Навоий кўчаси, 38-уй.

Қатнашди:

“Ўзкимёсаноат” АЖ номидан бошқарув раиси – Мирзамахмудов Жўрабек
Турсунпулатович.

Кворум: 100 фоиз.

Таклиф этилганлар:

“Ўзкимёсаноат” АЖ бошқарув раисининг биринчи ўринбосари – О. Темиров;

“Ўзкимёсаноат” АЖ бошқарув раисининг инвестициялар ва инновациялар бўйича
ўринбосари – Е. Коржиков;

“Ўзкимёсаноат” АЖ бошқарув раисининг иқтисодиёт ва молия бўйича ўринбосари –
А. Тўхтаев;

“Ўзкимёсаноат” АЖ инвестиция фаолиятини истиқболли ривожлантириш
департаменти бошлиғи – А. Курбанов;

“Ўзкимёсаноат” АЖ молия, газначилик операциялари ва харидлар департаменти
бошлиғи ўринбосари – А. Аманов;

“Ўзкимёсаноат” АЖ иқтисодиёт ва бизнесни режалаштириш департаменти бошлиғи
– Р. Абдурахманова;

“Ўзкимёсаноат” АЖ бухгалтерия ва корпоратив ҳисобот бошқармаси бошлиғи-бош
ҳисобчиси – Б. Бабаев;

“Ўзкимёсаноат” АЖ юридик бюро бошлиғи – Т. Ибадуллаев;

“Ўзкимёсаноат” АЖ ходимлар билан ишлаш бўлими бошлиғи – В. Арипов;

“Ўзкимёсаноат” АЖ комплаенс хизмати бошлиғи – Ш. Сағдуллаев;

“Ўзкимёсаноат” АЖ корпоратив муносабатлар бошқармаси бошлиғи – Б. Султанов.

КУН ТАРТИБИ:

1. «QIZILQUM FOSFORIT KOMPLEKSI» масъулияти чекланган жамиятини
ташқил этиш ва жамият устав капитали миқдорини белгилаш.

2. «QIZILQUM FOSFORIT KOMPLEKSI» масъулияти чекланган жамиятининг
уставини тасдиқлаш.

3. «QIZILQUM FOSFORIT KOMPLEKSI» масъулияти чекланган жамияти
ижро этувчи органни тайинлаш ҳамда думалок муҳр ва бурчак штамп
намуналарини тасдиқлаш.

Кун тартибидаги биринчи масала юзасидан:

Ўзбекистон Республикаси Вазирлар Маҳкамасининг “Кимё саноати соҳасида
фосфорли ўғитлар ишлаб чиқаришини янада кенгайтириш чора-тадбирлари тўғрисида”
2022 йил 21 февралдаги 77-сон қарорига (кейинги ўринларда – Қарор) асосан Ўзбекистон
Республикаси Иқтисодий тараққиёт ва камбағалликни қисқартириш вазирлиги, Молия

вазирлиги, Давлат активларини бошқариш агентлиги, “Олмалик КМК” АЖ ва “Ўзкимёсаноат” АЖнинг:

“Ўзкимёсаноат” АЖга тегишли “Аммофос-Максам” АЖ устав капиталидаги 51 фоиз акциялар пакетини “Олмалик КМК” АЖга ишончли бошқарувга бериш тўғрисидаги шартномани бекор қилиш;

“Олмалик КМК” АЖга тегишли “Қизилқум фосфорит комплекси” активларини баланс қийматида “Ўзкимёсаноат” АЖ устав капиталидаги давлат улушини ошириш ҳисобига бериш ва унинг негизида масъулияти чекланган жамиятни ташкил этиш;

“Аммофос-Максам” АЖнинг “Олмалик КМК” АЖ олдидagi фосфорит хомашёси бўйича активларни топшириш-қабул қилиш санасида ҳосил бўладиган қарздорлигини талаб қилиш ҳуқуқини “Ўзкимёсаноат” АЖга унинг устав капиталидаги давлат улушини қарздорлик суммасига ошириш ҳисобидан ўтказиш тўғрисидаги таклифларига розилик берилган.

Қарорнинг 5-бандида “Ўзкимёсаноат” АЖга уч ой муддатда ташкил этиладиган “Қизилқум фосфорит комплекси” МЧЖ устав капиталидаги ўз улушининг бозор қийматини белгиланган тартибда мустақил халқаро аудиторлик ташкилотини жалб қилиш орқали аниқлаш топшириғи берилган.

Ҳукумат топшириғи ижросини таъминлаш мақсадида “Ўзкимёсаноат” АЖнинг 100 фоиз иштирокида «QIZILQUM FOSFORIT KOMPLEKSI» масъулияти чекланган жамиятини ташкил этиш ва унинг устав капиталини 200 000 000 (икки юз миллион) сўм миқдорида белгилаш таклифи киритилди.

Кун тартибидagi биринчи масала юзасидан **қарор қабул қилинди:**

1.1. “Ўзкимёсаноат” АЖнинг 100 фоиз иштирокида «QIZILQUM FOSFORIT KOMPLEKSI» масъулияти чекланган жамияти ташкил этилсин.

1.2. «QIZILQUM FOSFORIT KOMPLEKSI» масъулияти чекланган жамияти устав капитали 200 000 000 (икки юз миллион) сўм миқдорида белгилансин.

Кун тартибидagi иккинчи масала юзасидан:

Ўзбекистон Республикасининг “Масъулияти чекланган ҳамда қўшимча масъулиятли жамиятлар тўғрисида”ги Қонуни (кейинчи ўринларда – Қонун) талабларига мувофиқ ишлаб чиқилган жамиятнинг устави лойиҳаси тақдим этилди (*устав лойиҳаси илова қилинади*).

Жамият устави лойиҳаси йиғилиш катнашчилари томонидан муҳокама этилгандан сўнг уни тасдиқлаш таклифи берилди.

Кун тартибидagi иккинчи масала юзасидан **қарор қабул қилинди:**

2.1. «QIZILQUM FOSFORIT KOMPLEKSI» масъулияти чекланган жамияти устави 1-иловага мувофиқ тасдиқлансин.

Кун тартибидagi учинчи масала юзасидан:

Қонуннинг 10-29- ва 30-моддаларига мувофиқ жамият ижроия органини яккабошчилик асосида тузиш ва ташкил қилинаётган жамиятни давлат рўйхатидан ўтказилишини ҳамда тегишли ҳисоб рақамлар очилишини таъминлаш мақсадида жамият директори лавозимига Самадов Фаррух Хамзаевич номзоди тавсия этилди.

Ф. Самадовнинг таржимаи ҳоли ва меҳнат фаолияти билан йиғилиш катнашчилари таништирилди (*маълумотнома илова қилинади*).

Шунингдек, жамиятнинг думалок муҳр ва бурчак штамп намуналари тақдим этилди.

Юқоридагиларни ва Ф. Самадовнинг 2022 йил 2 мартдаги аризасини инобатга олган ҳолда, уни ўриндошлик асосида 0,5 ставка иш ўрнига жамият директори вазифасини бажарувчи этиб тайинлаш ҳамда жамиятнинг думалок муҳр ва бурчак штамп

намуналарини тасдиқлаш таклиф этилди (Ф. Самадовнинг аризаси ҳамда жамиятнинг думалок муҳр ва бурчак штамп намуналари илова қилинади).

Кун тартибидаги учинчи масала юзасидан **қарор қабул қилинди:**

3.1. «QIZILQUM FOSFORIT KOMPLEKSI» масъулияти чекланган жамияти ижроия органи яккабошчилик асосида тузилсин ва Самадов Фаррух Хамзаевич ўриндошлик асосида 0,5 ставка иш ўрнига жамият директори вазифасини бажарувчи этиб тайинлансин.

3.2. «Ўзкимёсаноат» АЖ ходимлар билан ишлаш бўлими (Арипов) жамият номидан директор вазифасини бажарувчи Самадов Фаррух Хамзаевич билан меҳнат шартномасини (шартномани амал қилиш муддати – 02.03.2023 йилгача) ўрнатилган тартибда расмийлаштирсин ҳамда тасдиқлаш учун киритсин.

3.3. Жамият директори в.б. Ф. Самадовга:

- жамиятнинг уставини қонунчиликда белгиланган тартиб ва муддатда давлат рўйхатидан ўтказилишини таъминласин ҳамда бир нусхасини юридик шахсни давлат рўйхатидан ўтказилганлиги тўғрисидаги гувоҳнома билан ўрнатилган тартибда жамият ягона иштирокчисига тақдим этсин;

- жамиятнинг ташкилий тузилмасини белгиланган тартибда ишлаб чиқсин ва тасдиқлаш учун жамият ягона иштирокчиси муҳокамасига киритсин;

- ўз вазифаларини бажариш даврида барча бирламчи ва банк ҳужжатларига биринчи имзо қўйиш ҳамда жамият уставида белгиланган ҳуқуқ ва мажбуриятлардан қонун доирасида фойдаланиш ҳуқуқи берилсин.

3.4. «QIZILQUM FOSFORIT KOMPLEKSI» масъулияти чекланган жамиятнинг думалок муҳри ва бурчак штамп намуналари 2-иловага мувофиқ тасдиқлансин.

**Жамиятнинг ягона иштирокчиси
«Ўзкимёсаноат» АЖ номидан
бошқарув раиси**



Ж. Мирзамахмудов